

նեցուն. ոչ լինէր ծանր կալն նաև տարի մի ամբողջ, միայն գտցի այլ ոմն լամպէրթին, որ ընդ իշխանս քրիստոնէից վարեցաւ խաղաղութեամբ:

Յիրաւի ափշեցոյց զՀոսմ իւրով իմաստութեամբն և խոնարհամտութեամբն և ընտանեկան կենցաղավարութեամբն, և ի վեր քան զամենայն իւրով պարգամիտ ջերմեռանդութեամբն: Ուստի ոչ յազին հոսմայեցիք օր ըստ օրէ գովաբանելոյ զնա, մանաւանդ խորհին առնել նմա պատիւս նորոգս և զարմանալիս: Յետ զատկիս պատրաստեցին ի պատիւ նորա լուսաւորել զկաթողիկէն սրբոյն պետրոսի, և ի բերդն առնել հրաձգութիւնս պէսպէս, ամբարձածիզ և օղաթուիչ փամփշտովք, և ապա երկուս աւուրս ձիարչաւութիւնս կատարել ի Պոսն, իբրև ի բարեկենդանի. և ի մեծի պատրաստութեան է վենէտիկու էլչին առնել հրապարակական ֆէտին մի ի պատիւ նորա: Զնոյն և զօսին և պռաչանն և այլք:... Եթէ ոք կամիցի պատմել զարարս նորա որ ի Հոսմ, և ի ճանապարհի զհաւատս գրոց պարտ է լնուլ. ուստի ձանձրոյթ լինի գրողին և լսողին:...

Լուր ինչ ի զօնզլավէն ոչ գոյ. բայց միայն զայս ասեն առ հասարակ թէ արդէն զպապն ընտրեալ են, սակայն սպասեն զալստեան այլոց գարտինալաց, այսինքն է երկուց սպանեօլից և երկուց նէմցէից և նմանեաց, առ ի հրատարակել և հաւանութեամբ նոցա. և այն է գարտինալ ստօփանին, բայց զճշմարիտն ոչ ոք գիտէ:...

Խոնարհագոյն և անարժան ծառայ
Հ. Գէորգ (Պաղտասարեան)

Գրեցաւ ի Հոսմ 1769
ի մարտի 25

ՄԶԶ.

Գ.

Վերապատուելի Տեառն Տեառն Հ. Մկրտիչ վարդապետին
կարօտիւ սիրոյ ողջոյն

... Իմփէռաթօն տակաւին ի նէպօլիս է, և կոանտուգան ի վաղուց զնաց ի Ֆիրէնցայ: Տօրիան արար ֆէտին մի որ ոչ էր եղեալ ի Հոսմ երբէք նմանն, վասն զի ի մէջ երից աւուրց զքառակուսի բակն փալացին իւրոյ դէպ ի զօսն որ շուրջնակի ունէր զկալարիայն, բազմութեամբ գերանաց անգ անտառասարաս տնկեցելոց և հաստատելոց, հաւասարեաց յատակի փալացին, և բացեալ դրունս ի կալարիայէն միացոյց զբակն ընդ փալացին և յօրինեաց զնա իբրև մեծ ինչ սալայ, զոր զարդարեալ իսկոյն հայելեօք, և զունագոյն երանգօք և նկարօք և մետաքսեայ զարդուք և աթոռովք, արար տեղի պարելոյ և ֆէտինի, յորում ի չորս անկիւնսն բարձրացոյց և տեղի երաժշտաց, միագոյն հանդերձիւ զարդարելոց. թող զայլ ամենայն սպասուն և զպատրաստութիւնս, ուր սքանչացոյց զամենայն օտարս և զեկս: Սյսու յաղթեաց մեծութեան ֆէտինի այլոց հոսմայեցեոց և վենէտիկու էլչուն: Գօնզլավէն նոր ինչ լուր ոչ գոյ, բայց եթէ լսի թէ շփոթութիւն մեծ կայ ի մէջ Գարտինալացն մերոց և ֆրանսայու:...

Գրեցաւ ի Հոսմ 1769
ի յապրիլի 8.ին

Խոնարհագոյն ծառայ
Հ. Գէորգ վարդապետ անարժան

ՄԶԷ.

Կղեմէս ԺԴ.ի Քահանայապետական ընտրութեան և անոր հրատարակութեան
լուրը կը տրուի: